

VUKEA EDUA NA DAUWILIVOLA

VUKEA NA LUVEMU ME DAU WILIVOLA E VALE

Na veikalawa rawarawa eso ni nodra vukei na gone era sa qai tekivu wilivola:

Matai ni kalawa : Cevai na ivola

Tauyavutaki na ivakamacala ni ivola ena kena cegai ni veidrauniveva ka veitalanoataki na yaca ni ivola kei na kena ulutaga, raici na iyaloalo kei na kena vakasamataki na veika era nanuma me baleta na ivola.

Karua ni kalawa: Veivosa me nanumi

Vakasaqarai na veivosa me nanumi ka dredre vei ira na gone, vakaraitaki vei ira na vosa oya ena iyatuvosa, wiliki na vosa vei ira qai vakamacalataki na kena ibalebale.

Katolu ni kalawa: Matai ni wiliwili

Wilika taumada na italanoa vei ira na gone, vakamatata-taki na vanua mera cegu kina ena kena muri na ivakatakilakila, mera vakayagataka na qaqalo ni ligadra mera dusia kina na veivosa ka ra matanataka na veika e vakaraitaka ena nodra imoimoi. Na ikalawa oqo e ganiti ira na gone qase cake ka ra sa matai toka ena wilivola.

Kava ni kalawa: Karua ni wiliwili

Vakarogoca na nona wilivola na luvemu. Kakua ni takosova se vakadodonutaki koya ena gauna wilivola kina. Vakatarai ira mera vakaotia na iyatuvosa oti qai cavuta eso na vosa me vaka, "iko kaya: Oqo kei na vale. E vakaibalebale oya se sega? Solia vei ira na gone na galala me ra vakadodonutaki ira. Kevaka era sega ni rawata, ia me qai vakarautaki vei ira na isau ni taro dodonu.

Kalima ni kalawa: Vakamacalataki ni Vola

Vakarautaki edua na gauna ni veitalanoa kei ira na gone me baleta na ivola; qo e na vukei ira ena nodra kila na cava era wilika ka vulica na kena ibalebale ni veika era wilika. Digitaka e rua se tolu na taro ena drauniveva tarava ka mo tarogi ira kina.

VUKEA EDUA NA DAUWILIVOLA

VUKEA NA LUVEMU ME DAU WILIVOLA E VALE

Na veitaro eso e rawa nira tarogi ira kina na gone vuli wilivola o ira na itubutubu:

Ni bera na wilivola

Na cava o nanuma ni talanoataki ena ivola?

Na ivola qo bau vakananumi iko tale mai na dua na ivola o sa wilika se raica oti?

Era mataqali tamata vacava o nanuma ni ra na talanoataki tiko ena ivola qo?

Na cava o nanuma ni na rawa ni yaco ena ivola qo?

Gauna ni wiliwili

Kakua ni takosova na taladrodoro ni nodra wilivola na gone se mo taroga vei ira edua na taro ena gauna era wilivola tiko kina. Ia, kevaka e wiliki na italanoa balavu, sa rawa ni o taroga eso na taro me vakataka: Na cava o nanuma ni na rawa ni yaco tarava? Na cava o nanuma ni na yaco vei ira na talanoataki tiko qo? Na cava o rawa ni tukuna mai vei koya e talanoataki tiko ena yatuvosa o wilika? Na cava o rawa ni o raitayaloyalotaka ni rawa ni yaco ena tiki ni italanoa o sa wilika oti?

Oti na wiliwili

Na tiki ni talanoa cava o taleitaka ena ivola qo? Na cava na vuna?

O cei o taleitaka mai vei ira na talanotaki tiko? Na cava na vuna?

O na veisautaka na itinitini ni italanoa? E a tini na italanoa ena itinitini sara ga o namaka?

Kevaka o koya ka talanoataki tiko e tiko taravi iko tiko, o na okati koya me nomu itokani?

E rawa ni o raitayaloyalotaka na irairai ni vanua ena gauna o wiliwili tiko kina?
O bau gadreva mo sikova na vanua oya?